



САМУРДИН сее

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 32 (7800) киш, 6 - август, 2016- йис. Къимет 6 манат.



30- ИЮЛДИЗ къадим Ахцегъа Лезги халкъдин игитвилин «Шарвили» эпосдин сувар кыле тухвана.

Шиклда: Ахцегъвийри кыле «Магъарамдхуьруьн район» МР-дин кыл Фарид Агъмедов аваз суварик атанвай Магъарамдхуьруьн райондин делегация къабулзавай вахт.

АДМИНИСТРАТИВНЫЙ КОМИССИЯДИН ЗАСЕДАНИЕ

ИСЛЕН юкъуз «Магъарамдхуьруьн район» МР-дин администрацияда административный комиссиядин нубатдин заседание хъана. Адан къвалахда муниципальный райондин администрациядин къилин сад лагъай замести-

тель Гъабибуллагъ Мурадалиева, ва комиссиядин членри иштиракна.

Заседаниедал СП «Буткъазмайрин хуьр» ва СП «Цийихуьруьн сельсовет» администрацийрин кылериз теклифнавай.

Комиссияди заседаниедал административный тахсиркарвилерай, винидихъ тварар къунвай администрацийрин агъалийрилай къенвай 27 протоколдиз тамашна ва абурун гъакъиндай административный жаза гунин 27 постановление къабулна.



Лезги чилел гурлу сувар

*Игитвиликай рахазва чун
Чи игитвал хуьн патал,*

*Шарвилидин дуьз рекьяй тлуз
Чи мураддихъ фин патал*

«ШАРВИЛИ» эпосдин суварик «Магъарамдхуьруьн район» МР-дин кьил ФАРИД АГЪМЕДОВА тебрикдин рахуна къейдна:

-ГЪУЪРМЕТЛУ суварин иштиракчияр, кье кьадим тарих ва культура авай Ахцегъа им цѐрид лагъай сеферда Лезги халкъдин игитвилидин эпос «Шарвили» вири халкъдин сувар яз кьиле тухузва. Им вичиз тешпигъ авачир кьетлен милли сувар я. Эхъ, кье вири Лезгистанда сувар я. Адан кьилин мурад-метлебни чи халкъ игитвилидин эпосдилай гъакъикъи игитвилихъ фин я. Чун эпосдин игит Шарвилидикай чи игитвал хуьн ва мягъкемарун патал рахазва. Гъавилияй чи район гъар йисуз и суварик хъсан гъазурвал аваз, патриотвилидин руьгъ кваз физва ва лайхлувилелди иштиракзава.

Лезги халкъдин даяхни дамах, сабурни абур, вири халкъдин ва вири девиррин Игит тир Шарвили несилар тербияламишдай кьудратдин миьхи чешме я. «Шарвили» эпос Ватан сад тир, хизан сад тир Дагъустандин халкъарин руьгъдинни имандин гимн, халкъдин умудлу даяхдикай лугъузвай такабурлу мани я.

Игитдин зияратдиз фидай рекъел садрани чѐур акьалтдач, вучиз лагъайтла а рекъе гъамиша инсанар жеда. Кье чун Магъарамдхуьруьн райондин векилар къванцин яргъи ва тик гурарай виниз «Кѐлед хивез» акъахна Шарвилидиз салам гун ва адан руьгъдиз икрам авун патал Ахцегъиз атанва. Чна суварин вири иштиракчийриз и баркаллу сувар мубаракзава.

СА ЖЕРГЕ маса халкъарин эпосрилай тафаватлу яз Лезги халкъдин эпосдин игит жергедин дагъвидин- чубандин хва я. Халкъди гъахъ-адалатдикай вичин эрзиман мурадар Шарвили-

дин къаматда аваз умумиламишнавай тегъерда къалурнава. Вичин риклин мурад кьилиз акъудун патал халкъди Шарвили лап зурба къуват авай кас яз къалурнава.



30- ИЮЛДИЗ кьадим Ахцегъа 17 лагъай сефер яз «Шарвили» игитвилидин эпосдиз талукъарна шадвилидин сувар кьиле фена. Иниз иштиракиз Дагъустандин саки вири пилерай мугъманар атанвай. Иллаки, амай районрилайни шегъеррилай

тафаватлу яз Магъарамдхуьруьн райондин делегациядин иштираквал кьетленди хъана. Чи спортсменри, мандарри Ахцегъин майдандал суварин иштиракчийриз къалурай программа вирида гъевеслудаказ, гурлу капар ягъуналди къабулна.



НУБАТДИН ИХТИБАРВАЛ



РОССИЯДИН Федерациядин Президент Владимир Владимирович Путинан Указдалди Кеферапатан Кавказдин федеральный округда Президентдин тамам ихтиярар ганвай векил тир Меликов

Сергей Алимович алай йисан 28- июлди Россиядин гвардиядин директордин сад лагъай заместителвиле тайнарна. Президентдин тамам ихтиярар ганвай векилвиле Сергей Алимовича чешнеллувилелди

квалахна. Вичелай гуьгъуьниз хъсан еришралди вилик физвай ва мягкемдиз кватнавай округ туна.

2011- йисалди военный рекъ-йй гъар жуьре къуллугъар тамарай, генерал-лейтенантдин чинда аваз политикадиз хтай Сергей Алимовича, яргъал йисарин тежрибадикай менфят къачуна и сферадани къастунин клевивал, алакьунар, карчивал къалурдайдал са шакни алач. Военный къуллугъар ийизвай вахтунда Сергей Алимович са къадар наградайриз, медалриз, орденриз лайихлу хъанай.

Чи лезги къегъал хва Сергей Алимовича военный рекъйи хъиз политикадин рекъйини еке агалкъунар къазанмишдайдал ва мадни къакъан дережайриз хкаж жедайдал са шакни алач.

ЦИЙИ МАРШРУТ АЧУХНА



АЛАТАЙ гъяд юкьуз «Баку-Дербент-Баку» ракуьн рекъин цийи маршрут ачухна. Зарбдиз физвай экспресда аваз инсанривай Азербайжандай Дербентдиз къевез ва элкъвена хъфиз жезва. «Дуствал» твар алай Кавказдин экспресс европадин стандартрив къадайвал туюкьурнавай муьжуьд вагондикай ибарат я.

Гъафтедин жуьт йикъара экспресс экуьнахъ Бакудай екъечизава ва пуд сятинилай

Дербентдиз агакъзава ва элкъвена хъфизва.

Гъяд юкьуз Дербентда «Дуствал» твар алай экспресс шад гъалара къаршиламишна. Ишад мярекатда Азербайжандин Правительстводин членри, гъевескар артистри, Дагъустандин ва Дербентдин администрацийри, РФ- дин Госдумадин депутатри къиле Павел Бородин аваз «Россиядин патриотрин Союз» партиядин векилри иштиракна.

Хабарар куьрелди

И ЙИКЪАРА Дагъустандин меркезда «Россиядин дагълух мулкар нетижалудаказ вилик тухун» Дагъларин форумдин пленарный заседание къиле фена.

ВИРИОСИЯДИН экологиядин тешкилатди, телеф хъайи аскеррин къаматар рикел хуьнин лишан яз, Россияда 27 миллион тар аклурун ва абурухъ гелкъуьн къетнава.

ДАГЪУСТАНДИЗ мугъманвилит атай Россиядин оборонадин министерстводин центральный военный оркестрди къадим Дербентда концерт гана. Тамашачийрин арада РД-дин Кьил Рамазан Абдулатиповни авай.

РОССИЯДИН Федерациядин министррин кабинетди школяр бес тежезвай регионриз 500 миллион манат пул рекъе твада.

ХАЙИ ЧІАЛАЗ ІКРАМЗАВА

ГЪАР са касдихъ вичин рикі алай пеше жада. Рикі алай пешедал машгъл хъайи касдикай халис устадни жада ва и рекъе са клусни галатун тийижиз зегъметни члугвада. Эхиримжи вахтара гъам чи, гъам къецепатан уьлквейра хайи члалар хуьнин месэладиз къетлен фикир гузва. Адет хъанвайвал, гъар йисуз международный члаларин югъ къейдзава.



Къенин ихтилат заз хайи члалаз икрамзавай, члалав са-бурлувилелди, менфятлувилелди эгечизавай гъар са касдиз гъурметзавай, къанни цлуд йисав агакна дидедин члалан тарсар гайи малим Букар Эмиралиевакай ийиз кланзава.

Букар малим 1949- йисуз Магъарамдхурьун райондин Мугъверганрин хуре дидедиз хъана. Аял члавалай Букар малимдиз хайи дидедин члал, мили авазар, адетар хуш тир. Уьмуьрдин гьалкъада гьалтай инсанар хайи члалахъ галаз алакълубур хуни пеше хкъягунин рекъиз таъсирна. 1973- йисуз Дагъустандин Гьукуматдин университетдин филологиядин факультетдин урус члаланни Дагъустандин члаларин хел акъалтарна. Университет акъалтарай жегьил пешекарди вичин зегъметдин рехъ малимвилелай ваъ, Ма-

хачкъаладин филармонияда гьукуматдин манийрин ва къуьлерин ансамблда члагъанчивилелай башламишна. Гъеле аял вахтунда ада вичиз члагъан ягъиз чирай Букар малимди гъар са макъам устадвилелди тамамардай. Университетда клелзавай вахтунда ана къиле физвай культурадин вири мярекатрин иштиракчи тир. Филармонияда чи твар-ван авай, машгълур мандитар Зейнал Гъажирин

шикилрин стенд алай, къилди лезги члалал акъатзавай газетрин, журналрин пипл ва чи шайррин ктабрикай ибарат тир гъвечи ктабхана авай. Чи дамах тир Е.Эминан, С.Сулейманан яратмишунриз къилди пиплер чара авунвай. Аялар шайррихъ галаз гъурьушмиш хуьниз, члалакай ва ам арадал атуникай гегъенш суьгъбетар авуниз, акъалтзавай несилдин фикир члалал желбуниз къетлен фикир гузвай. Букар малимдин фикирдик чи халкъдин уьмуьрдикай, тарихдикай (адан рагъметлу буба И.Эмиралиев Ватандин члехи дяведин иштиракчи тир), еке стенд туйкълурун ква. Аялрал рикі алай Букар малимди абуруз гъар са камуна къуват гуз, агалкъунрал шадвал ийиз, абурухъ галаз хуш рафтарвал хуьз еке гъурмет ва ихтибарвал къазанишна. Гъи коллективда клвалахнатлани Букар малимдин зегъметкешвили, карчивили, жавабдарвили ам анжах гъурмет авуниз лайихлу авуна. Пешедив рикі гваз эгечизавай ихътин члалан малимар чахъ гзаф хъанайтла, чи члални квахуьнин хаталувилик жадачир. Рикі аялриз гузвай малимди тарс гайи аялрикайни хизан, общество патал вафалу инсанар хкатда.

Букар малимди вичин уьмуьрдин юлдаш Людмилани галаз пуд велед уьмуьрдин шегъредал акъудна. Алай вахтунда лайихлудаказ ял ягъиз хтулар тербияламишзава. Куьне чирвилер гайи цлудралди несилрин, квехъ галаз клвалахай юлдашрин, мукъва - къилийрин, ярар-дустарин тварунихъай квез чухсагъл ва яргъл хушбахтлу уьмуьрар хуьй лугъуз кланзава гъурметлу Букар малим!

А.АЙДЕМИРОВА.

Са бязи деллар М.Меликмамедован макъаладай къачунва.

евахъ галаз клвалахай йисар Букар Исаковича еке гъурметдивди рикел хкизва. Гъугъунлай 1978- йисуз гьукуматдин С.Сулейманан тварунихъ галай муздратрда режиссердин куьмекчивиле клвалахай Букар Исаковича Н.Гъикметан «Гатфарин сад лагъай югъ», М.Мустафаеван «Америкадай тир Гъажир Мурсал», Ж.Жабарлыдин «Айдын» ва са жерге маса пьесаяр лезги члалаз куьчуьрмишна.

Ингъе къанни цлуд йисав агакна Букар Исаковича къадим Дербент шегъердин 2- нумрадин школа-интернатда дидедин члалан малим яз клвалахна. И школада гъикі клвалахнатла ада туйкълурнавай лезги члалан кабинетди лугъузвай. Кабинет тешкилуни карда гьелбетда школадин руководстводи ва са жерге малимрини еке куьмекар гана. Чара авур еке кабинетда ачух са пипл авачир. Цларал чи лезги зарий-

ХУЪРУЪН МАЙИШАТ

Зегъмет яшайишдин диб я



ЛУГЪУДА ХЪИ, пешеяр вири важиблур я, хкягъа жуваз хуш хъайиди. Гъахълу гафар я. Анжах са шартлуналди, ам бажармишиз алакъни авуна кянда. Уьмуьрдин пеше хкядайла вичи багъманчивилин пеше хкяначтлани, Гилийрин хуьре яшамыш жезвай Ибрагъимов Фейзудина районда багъманчивал вилик тухунин карда кьетлен роль кьугъвазва.

БАГЪМАНЧИВАЛ кьвачел ахкьалдаруниз алай вахтунда чи районда кылин фикир гузва. Алай вахтунда районда кутунвай багълари ругуд агъзур гектардив агакьна майданар тешкилзава. Бегъерлу багъларин майданар геьеншарун иллаки важиблу яз гысабзава. Гъа и кардал Ибрагъимов Фейзудин вичин хизанни галаз машгъл жезва.

Фейзудина вичив гвай 20 гектар чил, са чибни бушдиз тун тавуна жуьреба-жуьре сортарин кьелемар яна, менфятлувилелди ишлемишзава. Ирандай, Турциядай кьачуна гъанвай ичерин, хутарин, машмашин кьелемар бегъердиз атанва. Идалай гъейри, Фейзудина вад гектардив агакьна чиле чи бубайрин ичерин, чуьхверрин ва маса сортар арадал хкызва.



Ци Фейзудина 40 тонндив агакьна жуьреба-жуьре сортарин хутар маса гана. Алай вахтунда ичерин бегъер агакьзава.

Багъманчи Фейзудина гатун гъич са югъни бушдиз ракъурзавач. Ам вичин хизанни галаз гатфар бегъерлувилели кватлуни, гъич са емишни пуч тавуна, вичин хизандин зегъметдалди гьасилнавай бегъер вадеда кьачузвай муьштеридал акакьаруни яцла ава.

Багъларин бегъер хъсанди хъун патал багъманчиди йисан кыляй-кылиз багъдин кьвалахар акъвазарна виже кьведач. Багъларал гьамиша зегъметчи инсандин гыл алаз хъана кянда. Хъуьтлуьз багда обрезакар, михъвилер, тарарин пунариз пер ягъун, агротехникадин кьвалахар, гатфариз тарариз, кьелемриз ятар гун, миянардай кьвалахар, зиянкар гьашаратрикай хуьдай дарманар ягъун, гатуз багъларин чил векыкай, хъчарикай михъун, багъдин бегъер кватдай серенжемар кьабулун ва зулуз бегъер пуч тавуна кватна кутьягъун. Ибур вири багъманчидин гьар йикъан кьвалахар я.

Государстводини, арадал атанвай гьаларини чавай багъманчивал, уьзюмчивал уьрел хкун истемишзава. Районда и кар патал вири шартларни яратмишнава. Райондин руководстводи чилел зегъмет чулгувазвайбурун тереф хуьзва. Гьар са гектар багъ кутун патал авур харжияр арадал хкун патал субсидияр гузва. Мад вуч кяназава? Гъилер кьакъажна багълар кутун. Багъманчидин вилик акъвазнавай тал алай месэла сад я. Кьелемар бес жезвач. Республикада исятда бегъерлу багълар патал кьелемар битмишарзавай са питомник кьванни авач. Яргъарай гъун гзаф багъаз акъвазава. Гъавилай чи республикада багълар кутун патал энгелар тавуна питомникар арадал гъун чарасуз я. Гъа им багъманчидин кьенин йикъан тал алай месэла я, лугъузва Фейзудина.

Р. МУРАДАЛИЕВ.

ОБРАЗОВАНИЕ

НЕТИЖАЯР КЪУНВА

АЛАЙ ЙИСУЗ чи районда 26- майдилай ЕГЭ вахкунив эгечна. Экзаменар вахкана. Шоколайр ақалтларайбурун шад межлисарни кыле фена. Алатай келунин йисан нетижаяр гыхьтинбур хъана? Абурун разивал ийиз жедайбур яни? И ва са жерге маса суалриз жавабар жагъурун патал чи корреспондент Афисат Айдемирова УО- дин начальник Улубег Абейдуллаевахъ галаз гуьруьшмиш хъана.

-Улубег Муьгъуьдинович, чи районда ақалтлай келунин йисуз ЕГЭ вахкунив гык эгечна?

-Малум тирвал, эхиримжи зенг ягъай пакадин йикъалай башламишна ЕГЭ вахкунив эгечна. Россобнадзорди тайинарайвал, мажбурибур тир кве предметдай (урус члалайни литературадай ва математикадай) экзамен вахкун чарасуз тир. Ик алай йисуз районда 739 аялди ЕГЭ вахкана. Абурукай 24 аял алатай йисара школа ақалтларнавайбур тир.

-Цинин йисуз винидихъ тварар кьур предметрай бес кьадар баллар кьазанмиш тахъанвайбур авани?

- Нетижайрай аквазвайвал, 9- класс ақалтларайбурукай 1 касдивай ва 11- класс ақалтларайбурукай 52 касдивай бес кьадар баллар кьачуз хъанач. Абурукай 12 аялдиз математикадай ва 9 аялдиз урус члалай ва амайбуруз кве предметдайни кведар хъана. Алай йисуз урус члалай проходной балл 24 тиртлани, гьам кьачуз тахъайбурни ава.

- Улубег Муьгъуьдинович, ЕГЭ хъсан нетижаяр аваз вахкай школайрикай, аялрикай ихтиллат авуртла жедачни?

- Гьелбетда жедач. Месела Хъартас-Къазмайрин, Хужа-Къазмайрин, Азадогълийрин



школайрин аялри ЕГЭ агалкьунралди вахкана. Виридалай агъуз нетижаяр хъанвай Киркарин, Хуьрелрин, Къуйсунрин, Муьгъверганрин ва Целегуьнрин школайрин тварар кьун тавунани жедач. И школайра мажбурибур тир кве предметдай бес кьадар баллар кьачуз тахъайбурни ава. Образованиедин тарихда шадвал ийидай кар ава. Тагъирхуьруьн Къазмайрин юкьван школадин ученица Галимова Эльнаради биологиядай 100 ва химиядай 84 балл кьачуна. Урус члалай чехи баллар кьазанмишай Буткъазмайрин хуьрай тир Ш. Жениевадин (88 балл), Гьепцеьгерин хуьрай тир С. Магъамедшерифован (88 балл), Ш. Ибрагъимован (88 балл), Къуйсундилай тир Р. Агъабаллаевадин (88 балл), Магъарамдхуьрай тир Н.Буржалиевадинни А.Абумуслимован (86 балл), Самурдай тир М. Аллахвердиевадин (96 балл) ва Советскдай тир М.Хасплатовадин

(91 балл), химиядай 80 балл кьачунвай К.Рагъимовадин (Магъарамдхуьр) тварар чна дамахдивди кьазва.

- Улубег Муьгъуьдинович, алай йисуз ЕГЭ кьайдада аваз тухуниз кьетлен фикир гузвай. Кьайдаяр чурай дуьшуьшар малум яни?

-Цинин йисуз ЕГЭ – яр тухуниз кьетлен кьайдаяр тайинарнайвал. Аялар хъсан гьазурвилер аваз эгечлуни нетижача, ахьтин векъи гьалатлар ачухай дуьшуьшар малум хъанач.

Цинин келунин йисуз чахъ медалистар гыкьван хъана?

- 2015 - 2016 - келунин йисуз 11-классрай 29 аялди ва 9- классрай 43 аялди медалар кьачуник умуд кваз экзаменар вахкана.

- Улубег Муьгъуьдинович, алатай йисарив гекъигайла цинин келунин йис агалкьунралди ақалтларна лагъайтла жедани?

-Гьелбетда, алатай йисарив гекъигайла гьам аялар, гьам диде-бубаяр уях хъанва. Аялри жавабдарвал гьиссунин нетижача чирвилер артухарунин, зигъин гегъеншарунин месэлайрив лап мукъувай эгечнава. Диде-бубайри репититорар кьазва, абурулай кьерехдай чебни квалера аялрал машгъл жезва. Хъсан баллар гуз акурла аялрин гьевесни хкаж жезва. Алай йисуз чи райондин ЕГЭ- рин нетижаяр лап хъсанбур хъанвайди республикадини кьейднава. За умудзава кьведай йисуз гена ни хъсан жедач.

-Улубег Муьгъуьдинович, суьгьбет авунай чухсагъул.

В ПРОКУРАТУРЕ РАЙОНА

Житель Магарамкентского района предстанет перед судом по обвинению в пособничестве участию в преступной организации и незаконном хранении взрывных устройств

ПРОКУРАТУРА Магарамкентского района утвердила обвинительное заключение по уголовному делу в отношении жителя села Магарамкент Разима Исмаилова. Он обвиняется в совершении преступлений, предусмотренных ч. 5 ст. 33, ч. 2 ст. 210 (пособничество участию в преступном сообществе (преступной организации)), ч. 2 ст. 222.1 (незаконное хранение взрывных устройств) и ч. 1 ст. 228 УК РФ (незаконное приобретение и хранение без цели сбыта наркотического средства в значительном размере).

Как полагает следствие, в 2015 году на территории Магарамкентского района, Исмаилов неоднократно тайно встречался с участником устойчивой организованной вооруженной группы «Магарамкентская» в составе преступного сообщества «Вилаят Дагестан Исламского государства Южного сектора».

Исмаилов исполнял различные поручения участника бандгруппы. В частности, приобретал и передавал последнему продукты питания, горюче-смазочные материалы, сообщал интересующие его сведения, незаконно хранил в своем домовладении переданные им взрывные устройства – ручную гранату Ф-1 и запал УЗРГМ, иным образом оказывал содействие (пособничество) деятельности названной устойчивой вооруженной организованной группы.

Также Исмаилов незаконно приобрел и хранил без цели сбыта наркотическое средство – марихуану в значительном размере, которое было изъято в ходе обыска по месту его жительства.

Уголовное дело прокуратура направила в Магарамкентский районный суд для рассмотрения по существу.

АЛАМАТАР, ДЕЛИЛАР, ГЪАКЪИКЪАТАР

Спортда виридалайни гзаф пул къазанмишайди Мухаммед Али я. 1960- йисарилай 1981- йисалди ада (США-дин боксер) 69 миллион доллар къазанмишна.

Яромир Вагнера (Чехословакия) 1980- йисан 28-сентябрдиз самолетдин лувунал акъвазна Атлантический океандилай лув гана.

1055- йисуз Бремене шегьерда /США-дин Индиана штат/ Роберт Нью-Джонс, дуьньяда виридалайни залан инсан кечмиш хъана. Адай 484 килограмм къевезвай.

Аллагъди Вич риклелай алуд тавун патал инсанриз гагъ-гагъ аламатар къалурда: абуруз гагъ Индияда битмиш хъайи ичинин къене /ам къеве пад авурла/ «Аллагъ» кхъенваз акуна, гагъ Киргизияда хайи келен къваларал маса рангаралди «Аллагъ» ва «Магъаммад» кхъенваз акуна. Ибурун гъакъиндай маса уьлквейрин ва Россиядин СМИ-ри са шумудра кхъена. Ихътин нубатдин аламат инсанриз Къарабудахкентский райондин Цараул хуьре акуна.

Абубакар-Гъажи Гъамзатован вechpe хъиредал «Лаиллагъи иллаллагъ» кхъенвай кака хана. Эхирда авай «Аллагъ» лугъудай гаф къетлендиз тафаватлу жезва.

Джон Брюс Ли /виридалайни гъевчи беден авай баскетболист/ Сакраментодин /США/

университетдин баскетболдин командада къугъавазвай. Адахъ къетлен йигинвал ва лап хъсандиз лишан къунин устадвал авай.

Автомобилди инсанар сагъар хъийизва. Хуьруьн мергьяматлу духтур Густово Гомеса вичин «Форд» машинда аваз Бразилиядин хуьрера къекъевез кесиб гзаф инсанриз куьмекар гана. Виридаз кландай духтур къейила инсанар адан машинди сагъар хъийиз хъана.

-Заз чизва, гзафбуру и гафарихъ инанмишвал ийидач, -лугъузва духтур Алехандро Дуартеди.

-Заз зи вилералди акуна хъи, духтур Гомесан автомобилдин кабинада са геренда ацукъиз эвич/ хъувурбурун сухан тлал, гепатит, туберкулез ва маса уьзурар квахъиз хъана. И инсанар патал Гомес халисан малаик тир. Гъавилай адан «Форддин» кабинада ацукъайла абуруз чеб чпин рик/ алай духтурдин вилик ацукъайди хъиз жезвай. Ина психологиядин фактор авайди шаклувилик кутаз жедач. Гъар гъик/ ятлани, инсанар азарлу яз машиндиз акъахзава, дири хъана эвич/ хъийизва. Гзафбуру ам аламат яз гъисабзава. Амма, за гъисабзавайвал, им инсанри чпин риклив агудун я. Муькуь патахъай, инсанри гилан аямдин медицинадин аппаратурадилай автомобилдихъ гзаф инанмишвал авун им дугъриданни аламат я, -лугъузва духтур Домингос Лоуренсоди.

Материалар жуьреба-жуьре чешмейрай клватлайди- Р. МУРАДАЛИЕВ.

ФУТБОЛ - 2016

команды	и	в	н	п	голы	о
1	"Леки" (с.Магарамкент)	9	7	2	0	26:4 23
2	"Легион"- Судостроитель (г.Махачкала)	8	5	3	0	29:6 18
3	ФК "Хасавюрт" (г.Хасавюрт)	9	4	4	1	18:8 16
4	«АСК им. Джарулаева» (с.Ашагастал)	9	5	0	4	31:32 15
5	"Даймохк" (г.Хасавюрт)	9	4	1	4	16:16 13
6	"Юлдуз" (с.Бабаюрт")	8	4	0	4	13:16 12
7	"УОР" (г.Каспийск)	9	4	0	5	11:14 12
8	"Нарын-кала" (г.Дербент)	9	3	0	6	21:40 9
9	"ДЮСШИВ" (г.Избербаш)	9	2	2	5	13:21 8
10	"Шавла" (с. Костек)	8	2	0	6	13:25 6
11	"Автомобилист" (г.Кизилюрт)	9	1	2	6	15:24 5

"Судостроитель" снялась с чемпионата в связи с объединением с командой "Легион". Результаты игр с их участием аннулированы.

Женг давам жезва

ФУТБОЛДАЙ Дагъустандин чемпионатда 30- июлдиз 9- турдин къугъуна Хасавюрт шегъерда «ФК Хасавюрт» командади вичин стадиондал чи райондин ФК «Леки» къабулна. Къугъун сифте къилелай эхирдалди къве патайни гъужумар аваз къизгъин женгина фена ва чи команда патал бегъерлуди хъана. 2:1 гъисабдалди «Леки» гъалиб хъана. Чи командадай тупар Тофик Къадимова ва Камил Нурагъмедова яна.

Къведай 10- турда 7- августдиз «Лекиди» вичин стадиондал Кизилюрт шегъердин «Автомобилист» команда къабулда.



Газпром информирует!

Согласно графику ППР проводимые ООО «Газпром трансгаз Махачкала» в августе 2016 г. и согласованные с ООО «Газпром газораспределение Дагестан», запланировано отключение ГРС «Ново-Филя» (с. Бильбиль-Казмаляр, с. Газардкам-Казмаляр, с. Капир-Казмаляр, с. Кчун-Казмаляр, с. Филя, с. Самур, с. Приморский, с. Тагиркент-Казмаляр, с. Хтун-Казмаляр, с. Чахчах-Казмаляр) с 8:00 часов 04.08.2016 г. и ГРС «Ново-Аул» (с. Азадоглы, с. Бут-Казмаляр, с. Кличхан, с. Ново-Аул, с. Оружба, с. Яруквалар, с. Ходжа-Казмаляр) с 8:00 11.08.2016 г.

Возобновление поставки газа будет осуществлено после завершения намеченных работ как со стороны ООО «Газпром трансгаз Махачкала», так и со стороны ООО «Газпром газораспределение Дагестан».

Целегъуьнрин СОШ-дин 11- класс акъалтларайдан гъакъиндай 2007- йисуз Шагъбанова Эльвирадиз гайи АА 0024751- нумрадин аттестат квахъуниз килигна **къуватда амачирди яз гъисабин.**

**Къилин редактор
А. А. ИСМАИЛОВ.**

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра акъатзава.

Учередители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.
Индекс 63340. Тираж 1570.
Заказ № 32.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+